

Cartas nordic



Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2017

■ **Oslo, Norvegia:** In le fundo del fiord in le sud del pais es situate le capital norvegian, Oslo, con 666.000 habitantes. Illo esseva usque 1925 appellate Christiania secundo Christian IV, qui esseva rege commun de Danmark e Norvegia. Le porto ha un large area pro pedestres e bicyclistas, qui pote ambular o vehicular e vider le multe naves interessante – con lor mastes e velas in stilo ancian e bellissime. Le promenada del porto es circa novem kilometros longe. Justo proxime es situate le Fortalesa Akershus, originalmente un burgo medieval pro le rege ma in le annos 1600 reconstruite como castello de renascentia circumferite per un bastion.

Illo anque es un area verde con statuas e bancos pro seder, assi que on pote gauder del vita, si le tempore non es troppo nubilose.



Photo e texto: Thomas Breinstrup

Questiones

1. Qual es le nomine ancian de Oslo – e proque?

2. Es isto un area pro automobiles?

3. In qual stilo esseva Akershus reconstruite?

4. Describe le photo. Esque tu lo trova belle – e proque?

5. Que es typic pro le naves in le porto?
